



U skladu sa članom 53. Poslovnika o radu Regulatorne komisije za električnu energiju u Federaciji Bosne i Hercegovine («Službene novine FBiH» br. 59/04), članom 45. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ 37/05) i članom 54. stav 3. Pravilnika za tarifnu metodologiju i tarifne postupke Regulatorne komisije za električnu energiju u Federaciji Bosne i Hercegovine („Službene novine FBiH“ 45/05), Regulatorna komisija za električnu energiju u Federaciji Bosne i Hercegovine - FERK

OBAVJEŠTAVA JAVNOST

O podnesenim zahtjevima za odobrenje tarifa od strane J.P. «Elektroprivreda Bosne i Hercegovine» d.d. Sarajevo i održavanju formalnih rasprava

Dana 12.09.2005.godine, FERK je od strane podnosioca zahtjeva J.P. «Elektroprivreda Bosne i Hercegovine» d.d. Sarajevo zaprimio zahtjev za odobrenje kratkoročnih marginalnih troškova energije br. 07-02-600/12/05. Takođe, FERK je dana 01.10.2005. godine od istog podnosioca zahtjeva zaprimio:

- zahtjev za odobrenje tarifa za djelatnost proizvodnje električne energije pod brojem 07-02-647/18/05,
- zahtjev za odobrenje tarifa za djelatnost distribucije električne energije pod brojem 07-02-647/19/05,
- zahtjev za odobrenje tarifa za djelatnost snabdijevanja električnom energijom pod brojem 07-02-647/20/05,

uz koje je podnosilac priložio dokumente u skladu sa članovima 52. 53. i 74. Pravilnika za tarifnu metodologiju i tarifne postupke FERK-a.

Podnosilac zahtjeva

J.P. «Elektroprivreda Bosne i Hercegovine» d.d. Sarajevo je javno preduzeće, koje je registrovano za obavljanje djelatnosti proizvodnje i distribucije električne energije, snabdijevanja električnom energijom, te djelatnosti trgovine, zastupanja i posredovanja električnom energijom. U skladu sa članom 72. stav 1. Pravilnika za tarifnu metodologiju i tarifne postupke FERK-a, ovo javno preduzeće bilo je obavezno dostaviti FERK-u zahtjeve za odobrenje tarifa u prvom tarifnom postupku, do 1. oktobra 2005. godine. U skladu s članom 74. istog Pravilnika, ovo javno preduzeće dužno je FERK-u u prvom tarifnom postupku na odobrenje podnijeti kratkoročne marginalne troškove energije radi utvrđivanja cijene za prodaju električne energije J.P. „Elektroprivreda Hrvatske zajednice Herceg Bosne,, d.d. Mostar.

Prijem i obrada zahtjeva za odobrenje tarifa

Postupajući po članu 52. i 74. Pravilnika za tarifnu metodologiju i tarifne postupke FERK-a, FERK je pregledao zahtjeve i utvrdio da isti ne sadrže sve



potrebne podatke i dokumente propisane Pravilnikom za tarifnu metodologiju i tarifne postupke FERK-a. FERK je podnosiocu zahtjeva uputio Dopis br. 07-02-600-01/12/05 od 21.09.2005. godine i Dopis br. 07-02-647-02/18/05, 07-02-647-02/19/05, 07-02-647-02/20/05 od 28.10.2005. godine, kojima je tražio od podnosioca zahtjeva da zahtjeve dopuni potrebnim podacima i dokumentima.

Iako nedostaju određeni dokumenti i podaci propisani Pravilnikom za tarifnu metodologiju i tarifne postupke FERK-a, koje je FERK više puta zahtjevaao, u cilju izvršenja svojih planskih aktivnosti za završetak prvog tarifnog postupka do kraja 2005. godine, a u skladu s članovima 9. i 71. Pravilnika za tarifnu metodologiju i tarifne postupke FERK-a, FERK je odlučio da podnesene zahtjeve smatra kompletnim, te da nastavi postupak po podnesenim zahtjevima, čime je započeo prvi tarifni postupak. Prvi tarifni postupak, FERK će provesti na osnovu podataka koje je dostavio podnosilac zahtjeva, a za traženu a nedostajuću dokumentaciju, podatke i informacije, FERK u skladu s Pravilnikom za tarifnu metodologiju i tarifne postupke FERK-a zadržava pravo procjene istih.

Osnovni elementi podnesenih zahtjeva

Podaci koji se navode u tabeli u nastavku preuzeti su iz podnesenih zahtjeva i dopuna zahtjeva podnosioca zahtjeva, bez ikakvih podešavanja, komentara ili kvalifikacija od strane FERK-a.

Tarifni elementi	Jedinica mjere	110 kV	35 kV	10 kV	0,4 kV domaćin.	0,4 kV ostali	0,4 kV javna ras.	Prosječni tar. st.
Snaga	KM/kW	10,4523	9,5044	10,3530	15,4447	13,4080	13,0686	13,4929
Akt. en.	KM/ kWh	0,0455	0,0467	0,0509	0,0759	0,0659	0,0642	0,0663
Reak. en.	KM/kVArh	0,0079	0,0081	0,0089		0,0115		

Predložene tarife za djelatnost proizvodnje po kategorijama kupaca

Predložene tarife za djelatnost distribucije po kategorijama kupaca

Tarifni elementi	Jedinica mjere	110 kV	35 kV	10 kV	0,4 kV domaćin.	0,4 kV ostali	0,4 kV javna ras.	Prosječni tar. st.
Snaga	KM/kW		8,9539	9,7534	14,5502	12,6315	12,3117	12,7114
Mj. naknada	KM/br.k.		1,7154	1,8686	2,7876	2,4200	2,3587	2,4353

Predložene tarife za djelatnost snabdijevanja po kategorijama kupaca

Tarifni elementi	Jedinica mjere	110 kV	35 kV	10 kV	0,4 kV domaćin.	0,4 kV ostali	0,4 kV javna ras.	Prosječni tar. st.
Mj. naknada	KM/br.k.	1,0048	1,0325	1,1247	1,6778	1,4565	1,4197	1,4658



PREDLOŽENI DATUM PRIMJENE OVIH TARIFA: 01.01.2006. GODINE

Pojedinačni tarifni stavovi za pojedine tarifne elemente, koji podrazumijevaju sezonsko i dnevno tarifiranje, nisu dostavljeni do momenta objave.

U zahtjevu za odobrenje kratkoročnih marginalnih troškova energije EP BiH je navedeno:

Ukupna količina električne energije koja je raspoloživa za prodaju JP „Elektroprivreda Hrvatske zajednice Herceg Bosne“ d.d. Mostar, na osnovi elektroenergetskog bilansa JP „Elektroprivreda Bosne i Hercegovine“ d.d. Sarajevo za 2006. godinu iznosi 607,7 GWh.

Na osnovu člana 74. Pravilnika za tarifnu metodologiju i tarifne postupke („cijena se utvrđuje na osnovu kratkoročnih marginalnih troškova energije energije koji odgovaraju varijabilnim troškovima zadnje dispečirane proizvodne jedinice“) utvrđena je cijena koja odgovara varijabilnim troškovima generatora 3 u TE Tuzla kao zadnjoj dispečiranoj jedinici JP „Elektroprivreda Bosne i Hercegovine“ d.d. Sarajevo u 2006. godini. Ta cijena iznosi 7,646 fening/kWh.

Zahtjev za odobrenje tarifa J.P. «Elektroprivreda Bosne i Hercegovine» d.d. Sarajevo može se pogledati na web stranici FERK-a (www.ferk.ba).

Formalne rasprave

U skladu sa članom 44. stav 1. tačka a. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br.37/05), podnošenjem zahtjeva za odobrenje tarifa od strane J.P. «Elektroprivreda Bosne i Hercegovine» d.d. Sarajevo započeli su postupci formalnih rasprava. Postupci formalnih rasprava provest će se u skladu sa odredbama Pravilnika o javnim raspravama i rješavanju zahtjeva i žalbi FERK-a („Službene novine FBiH“ br. 37/05). Dana 08.11.2005. godine FERK je donio Zaključak br. 05-07-745-05/05, kojim je odredio da se spajaju predmeti po podnesenom zahtjevu za odobrenje tarifa za djelatnost distribucije električne energije br. 07-02-647/19/05 od 01.10.2005. godine i po podnesenom zahtjevu za odobrenje tarifa za djelatnost snabdijevanje električnom energijom br. 07-02-647/20/05 od 01.10.2005. godine JP «Elektroprivreda Bosne i Hercegovine» d.d. Sarajevo, te da će se o spojenim predmetima voditi dalje jedinstven postupak. Formalne rasprave u prvom tarifnom postupku pokrenutom naprijed pobrojanim zahtjevima održat će u prostorijama FERK-a, na adresi Blajburških žrtava br. 33, Mostar, prema slijedećem rasporedu:



Predmet formalne rasprave	Datum i vrijeme formalne rasprave
Kratkoročni marginalni troškovi energije	21.11.2005. godine u 10:00 sati
Proizvodnja električne energije	22.11.2005. godine u 09:00 sati
Distribucija i snabdijevanje električnom energijom	23.11.2005. godine u 09:00 sati

Kriteriji za sticanje statusa umješšača

Zahtjev za sticanje statusa umješšača u formalnoj raspravi može uputiti lice koje ima direktan interes u postupku, koji je različit od općeg javnog interesa i koje raspolaže podacima i činjenicama od značaja za formalnu raspravu u prvom tarifnom postupku koji se vodi pred FERK-om. Zahtjev za sticanje statusa umješšača treba da sadrži osnovne podatke o licu koje traži status umješšača, kao i činjenice i dokaze kako to lice ima direktan interes za učestvovanje u postupku. Zahtjev za sticanje statusa umješšača podnosi se do 14.11.2005. godine do 12 sati na adresu FERK-a. FERK odlučuje da li je u zahtjevu za sticanje statusa umješšača dokazan direktni interes i jesu li navedeni podaci i činjenice od značaja za formalnu raspravu u prvom tarifnom postupku u svakom pojedinačnom slučaju.

Javnost postupka

Formalne rasprave su otvorene za javnost, s tim da javnost može biti prisutna formalnim raspravama, ali u istim mogu učestvovati samo podnosilac zahtjeva i umješšači.

Druga zainteresovana lica mogu podnijeti pisane komentare na podnesene zahtjeve do 14.11.2005. godine do 12 sati na adresu FERK-a.

Informacije o podnesenim zahtjevima zainteresovana lica mogu dobiti u sjedištu FERK-a, na protokolu, Blajburških žrtava br. 33 u Mostaru. Svoje pisane komentare zainteresovana lica mogu dostaviti FERK-u na gornju adresu ili faksom na brojeve: 036/333-507, 036/333-508, odnosno elektronskom poštom na adresu: kontakt@ferk.ba.